

**AGENCIJA ZA OSIGURANJE
U BOSNI I HERCEGOVINI**



**АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ**

**INSURANCE AGENCY OF
BOSNIA AND HERZEGOVINA**

Prednacrt

Broj:

Sarajevo,

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik Bosne i Hercegovine“, broj 5/03, 42/03, 26/04, 42/04, 45/06, 88/07, 35/09, 59/09 i 103/09, 87/12, 6/13, 19/16 i 83/17), člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik Bosne i Hercegovine“, broj 94/14), Uputstva o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik Bosne i Hercegovine“, broj 45/15 i 64/18), Agencija za osiguranje u Bosni i Hercegovini, *d o n o s i*:

IZVJEŠTAJ O RADU

AGENCIJE ZA OSIGURANJE U BOSNI I HERCEGOVINI ZA 2018. GODINU

I – UVOD

Agencija za osiguranje u Bosni i Hercegovini (u daljem tekstu: Agencija) je samostalna upravna organizacija osnovana Zakonom o Agenciji za osiguranje u Bosni i Hercegovini („Službeni glasnik Bosne i Hercegovine“, broj 12/04).

Agencija je nadležna za jedinstvenu primjenu zakona o osiguranju između entiteta, postojanje nesmetane i djelotvorne saradnje između agencija za nadzor osiguranja u Federaciji Bosne i Hercegovine i Republici Srpskoj, usaglašenost zakona iz oblasti osiguranja u Bosni i Hercegovini i usaglašenost istih sa zakonodavstvom Evropske unije koje se primjenjuje na oblast osiguranja, koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko distrikta Bosne i Hercegovine, kao i za statistiku o cjelokupnom tržištu osiguranja u Bosni i Hercegovini. U okviru Agencije, Upravni odbor Agencije za osiguranje u Bosni i Hercegovini (u daljem tekstu: Upravni odbor Agencije) je odgovoran i nadležan za zakonodavnu ulogu Agencije propisanu članom 6. Zakona o Agenciji za osiguranje u Bosni i Hercegovini. Upravni odbor Agencije je nadležan i za rješavanje sporova između agencija za nadzor osiguranja, na način propisan članom 7. Zakona o Agenciji za osiguranje u Bosni i Hercegovini, te za davanje prethodne saglasnosti na statistike koje Agencija vodi i iste objavljuje u službenim glasilima Bosne i Hercegovine, entiteta i Brčko distrikta Bosne i Hercegovine, u skladu sa članom 11. stav (1) navedenog Zakona.

U izvještajnom periodu, Agencija je, u okviru utvrđenog programa „Usklađivanje propisa na tržištu osiguranja u Bosni i Hercegovini“, te kroz dva projekta: „Harmonizacija propisa i arbitraža“ i „Statistički servis i međunarodna saradnja“ realizovala sljedeće aktivnosti:

Harmonizacija propisa i arbitraža

Aktivnost izrade Analize Zakona o Agenciji za osiguranje u Bosni i Hercegovini je u toku i nakon što istu okonča, Agencija će započeti aktivnost Izrade inicijative za izradu prijedloga izmjena i dopuna Zakona o Agenciji za osiguranje u Bosni i Hercegovini, sa prijedlogom novih rješenja.

Agencija je u izvještajnom periodu provodila aktivnosti u vezi sa Pravilnikom o postupcima za rješavanje sporova u oblasti osiguranja (dalje u tekstu: Pravilnik), u skladu sa zaključcima Upravnog odbora Agencije. Nacrt Pravilnika je bio na dnevnom redu sve tri sjednice Upravnog odbora Agencije održane u toku 2018.godine. Agencija je za navedene sjednice pripremila Nacrt Pravilnika, Odgovor na sugestije date na Nacrt Pravilnika, Analizu najboljih praksi arbitraže susjednih zemalja. Zaključkom sa 6.sjednice Upravnog odbora Agencije, održane 06.11.2018.godine, razmatranje Nacrta Pravilnika je odloženo za jednu od narednih sjednica. Istim zaključkom su članovi Upravnog odbora Agencije zaduženi da u razumnom roku dostave svoje sugestije na Nacrt Pravilnika, a da Agencija dostavljene sugestije ugradi u isti. Po dostavljanju ovih sugestija Agencija će nastaviti aktivnosti na Pravilniku, u skladu sa zaključcima Upravnog odbora Agencije.

Sačinjen je Prijedlog Pravilnika o unutrašnjoj organizaciji Agencije za osiguranje u Bosni i Hercegovini i isti je dostavljen na mišljenje Ministarstvu finansija i trezora, Uredu za zakonodavstvo Vijeća ministara Bosne i Hercegovine i Ministarstvu pravde. Ured za zakonodavstvo Vijeća ministara Bosne i Hercegovine je dostavio Mišljenje od 27.12.2018. godine, a Ministarstvo pravde Mišljenje od 17.01.2019.godine. Po dostavljanju mišljenja Ministarstva finansija i trezora Agencija će Prijedlog Pravilnika o unutrašnjoj organizaciji Agencije za osiguranje u Bosni i Hercegovini uputiti Vijeću ministara Bosne i Hercegovine na davanje saglasnosti.

U okviru aktivnosti praćenja realizacije donesenih Smjernica za ocjenu usaglašenosti zakona o obaveznim osiguranjima u saobraćaju (dalje u tekstu:Smjernica) i revidiranje iste u skladu sa relevantnim direktivama, Agencija je za 5.sjednicu Upravnog odbora Agencije pripremila Informaciju o praćenju realizacije donesenih Smjernica i revidiranje iste u skladu sa relevantnim direktivama. Upravni odbor Agencije je navedenu Informaciju primio k znanju i zadužio Agenciju da od entitetskih ministarstava finansija zatraži Informaciju o preduzetim ili namjeravanim aktivnostima u vezi sa Smjernicom i Analizom usaglašenosti zakona o obaveznim osiguranjima u saobraćaju Federacije Bosne i Hercegovine/Republike Srpske, sa preporukama za dalja usaglašavanja. Na traženje Agencije, Ministarstvo finansija Republike Srpske aktom od 19.10.2018.godine i Federalno ministarstvo finansija aktom od 05.10.2018.godine su dostavili traženu informaciju. Izvještaj o realizaciji donesene Smjernice Agencija će pripremiti za narednu sjednicu Upravnog odbora Agencije.

Postupajući po zaduženju Upravnog odbora Agencije sa 3.sjednice, Agencija je 05.01.2018.godine pripremila i dostavila Federalnom ministarstvu finansija Informaciju o

neusaglašenosti Zakona o osiguranju („Službene novine Federacije Bosne i Hercegovine“, broj 23/17). Navedenom Informacijom je ukazano da Zakon o osiguranju ne daje mogućnost društvima za osiguranje iz Federacije Bosne i Hercegovine da zaključuju ugovore o reosiguranju sa društvima za reosiguranje koja nemaju dozvolu za rad u Bosni i Hercegovini, niti daje mogućnost ugovaračima osiguranja (fizičkim i pravnim licima) da (čak ni izuzetno) zaključuju ugovore o osiguranju sa društvima za osiguranje koja nisu registrovana u Bosni i Hercegovini. Aktivnost izrade cjelovite analize međuentitetske usaglašenosti zakonodavstva i mogućnosti daljeg usaglašavanja entitetskih zakona sa EU standardima u oblasti uslova poslovanja osiguravajućih društava, je u toku. Po okončanju navedene analize Agencija će započeti aktivnost izrade smjernica za međuentitetsko usaglašavanje zakonodavstva i daljeg usaglašavanja entitetskih zakona sa EU standardima u oblasti uslova poslovanja osiguravajućih društava.

U toku 2018.godine Agenciji je dostavljen samo jedan zahtjev za davanje saglasnosti u skladu sa članom 6. stav (1) tačka c) Zakona o Agenciji za osiguranje u Bosni i Hercegovini.

Federalno ministarstvo finansija je u avgustu 2018.godine Agenciji dostavilo zahtjev za davanje saglasnosti na Nacrt Zakona o obaveznim osiguranjima u prometu. U skladu sa dostavljenim zahtjevom i Nacrtom Zakona Agencija za 6.sjednicu Upravnog odbora Agencije pripremila Analizu usaglašenosti Zakona o obaveznim osiguranjima u saobraćaju („Službeni glasnik Republike Srpske“, broj 82/15), Nacrta Zakona o obaveznim osiguranjima u prometu iz avgusta 2018. godine i Smjernice, sa prijedlogom odluke. O zahtjevu Federalnog ministarstva finansija Upravni odbor Agencije je, na 6. sjednici održanoj 06.11.2018.godine, odlučio zaključkom kojim je, između ostalog, konstatovano da je Nacrt Zakona o obaveznim osiguranjima u prometu Federacije Bosne i Hercegovine usaglašen u najznačajnijim pitanjima sa Smjernicom. Uvažavajući obrazloženja i navedene razloge obrađivača zakona zbog kojih je došlo do neusaglašenosti po pitanju dinamike povećanja osiguravajućih suma, zaključkom je iskazano i očekivanje da će obrađivač zakona u narednoj fazi prije donošenja zakona izvršiti konačno usaglašavanje.

Ministarstvo finansija Republike Srpske je aktom od 05.04.2018. godine, Agenciji dostavilo tekst Nacrta zakona o izmjenama i dopunama Zakona o društvima za osiguranje iz aprila 2018. godine i pozvalo Agenciju da na isti dostavi prijedloge i sugestije stručnih službi. U skladu sa članom 6. Zakona o Agenciji za osiguranje u Bosni i Hercegovini Agencija je, uz sačinjenu Informaciju, predmetni akt Ministarstva finansija Republike Srpske zajedno sa Nacrtom Zakona i prijedlogom zaključka dostavila Upravnom odboru Agencije na nadležno postupanje. Nakon razmatranja dostavljenih materijala Upravni odbor Agencije je na 5. sjednici donio zaključak kojom je dostavljenju Informaciju primio k znanju i zadužio Agenciju da u razumnom roku sačini Analizu Nacrta zakona o izmjenama i dopunama Zakona o društvima za osiguranje u skladu sa članom 2. stav (1) tačke b) i c) i istu dostavi Ministarstvu finansija Republike Srpske. Navedena analiza je u pripremi i u narednom periodu će biti dostavljena Ministarstvu finansija Republike Srpske.

Agencija je u izvještajnom periodu provodila aktivnosti u vezi sa donošenjem Smjernice za usaglašavanje Zakona o posredovanju u privatnom osiguranju u Federaciji Bosne i Hercegovine i Zakona o zastupanju u osiguranju i posredovanju u osiguranju i reosiguranju u Republici Srpskoj (u daljem tekstu: Smjernice za zastupanje i posredovanje u osiguranju), koje su bile na dnevnom redu sve tri sjednice Upravnog odbora Agencije održane u 2018.godini. Navedena aktivnost predstavlja jednu od mjera za realizaciju prioriteta 27. Akcionog plana za realizaciju prioriteta iz Izvještaja za Bosnu i Hercegovinu za 2015. godinu,

kao i nerealiziranu programsku aktivnost Agencije iz 2017.godine. Za 4. sjednicu Upravnog odbora Agencije pripremljen je Prijedlog Smjernice za zastupanje i posredovanje u osiguranju čiji je cilj međusobno usaglašavanje entitetskih zakona kojima se uređuje zastupanje u osiguranju i posredovanju u osiguranju i reosiguranju i unapređenje njihove usaglašenost sa, tada važećom, Direktivom 2002/92/EZ Evropskog parlamenta i Vijeća od 09.12.2002.godine o posredovanju u osiguranju. Na pomenutoj sjednici Upravni odbor Agencije je Prijedlog Smjernice za zastupanje i posredovanje u osiguranju razmatrao kao prednacrt, uz sugestije da se primjedbe dostave Agenciji, te da se za narednu sjednicu pripremi kao nacrt. Agencija je za 5. sjednicu Upravnog odbora Agencije pripremila Nacrt Smjernice za zastupanje i posredovanje u osiguranju, ali je isti skinut sa dnevnog reda. Agencija je i za 6.sjednicu Upravnog odbora Agencije pripremila Nacrt Smjernice za zastupanje i posredovanje u osiguranju, korigovan u skladu sa dostavljenim pismenim primjedbama članova Upravnog odbora Agencije, te u skladu sa novom Direktivom (EU) 2016/97/EZ Evropskog parlamenta i Vijeća od 20.01.2016.godine o distribuciji osiguranja. Nacrt Smjernice za zastupanje i posredovanje u osiguranju je skinut sa dnevnog reda 6.sjednice Upravnog odbora Agencije. Agencija će u narednom periodu nastaviti sa započetim aktivnostima, imajući u vidu zaključke Upravnog odbora Agencije.

U skladu sa nadležnostima iz člana 2. i 6. Zakona o Agenciji za osiguranje u Bosni i Hercegovini, Agencija je za 6.sjednicu Upravnog odbora Agencije pripremila Informaciju o Odluci o izmjeni odluke o zajedničkoj tarifi premija i cjenovniku za osiguranje od odgovornosti za motorna vozila u Republici Srpskoj („Službeni glasnik Republike Srpske“, broj 84/18), uz dopis Agencije za nadzor osiguranja Federacije Bosne i Hercegovine. Informacija je skinuta sa dnevnog reda zbog nepostojanja entitetske podrške prilikom izjašnjavanja-glasanja članova Upravnog odbora Agencije o dnevnom redu 6.sjednice.

Statistički servis i međunarodna saradnja

Međunarodna saradnja

Agencija je u skladu sa članom 9. stav (3) Zakona o Agenciji za osiguranje u Bosni i Hercegovini, dostavila Direkciji za evropske integracije prijedloge odgovora na 9 dodatnih pitanja Evropske komisije iz Poglavlja Ekonomski kriterij, Slobodno kretanje kapitala i poglavlja Finansijske usluge. Ažurirani podaci o pokazateljima za tržište osiguranja zaključno sa 31.12.2017. godine prema strukturi i zahtjevima koji su ranije dostavljeni kroz odgovore na pitanja iz Upitnika Evropske komisije također su dostavljeni u skladu sa zahtjevom Evropske komisije kroz dodatna pitanja.

U okviru finalizacije odgovora na dodatna pitanja, Agencija je uradila i redakturu prevoda odgovora na engleski jezik.

U okviru aktivnosti zaključivanja Ugovora o saradnji za razmjenu podataka, koja je definisana Programom rada Agencije za 2018. godinu, a obzirom na aktivnosti Agencije na zaključivanju Memoranduma o saradnji u oblasti osiguranja sa regulatornim organima Austrije, Slovenije, Hrvatske i Srbije koje je u saradnji sa entitetskim agencijama za nadzor osiguranja provodila u periodu od 2009. godine, održan je zajednički sastanak u februaru mjesecu 2018. godine sa Agencijom za nadzor osiguranja Federacije Bosne i Hercegovine i Agencijom za osiguranje Republike Srpske. Tema sastanka je bila nastavak aktivnosti na sačinjavanju forme Memoranduma koji bi se dostavili regulatoru Srbije, a u pogledu odgovora

koji je Agencija zaprimila od Narodne banke Srbije i spremnosti za zaključivanje Memoranduma o saradnji u oblasti osiguranja, na način kao što je to regulisano u bankarskom sektoru u Bosni i Hercegovini.

Nadzorni organi Austrije, Slovenije i Hrvatske su također u svojim dopisima izrazili spremnost za zaključivanje Ugovora sa nadležnim organima u Bosni i Hercegovini i ukazali na primjenu propisa u zemljama Evropske unije, odnosno potrebi usklađenosti propisa potpisnika Ugovora sa odredbama odjeljka 5 direktive Solvency II.

Agencija je u skladu sa potrebom trajne obavezanosti stručnjaka-eksperata o čuvanju poslovne tajne u propisu kojim je regulisan rad Upravnog odbora Agencije, dostavila prijedlog izmjena i dopuna Poslovnika o radu Upravnog odbora Agencije na 2.,3.,4., 5. i 6. sjednicu Upravnog odbora Agencije. Do kraja 2018. godine izmjene Poslovnika o radu Upravnog odbora Agencije nisu razmatrane na sjednicama Upravnog odbora.

U okviru aktivnosti učestvovanja na međunarodnim sastancima i forumima iz oblasti osiguranja u toku 2018. godine Agencija je učestvovala na trećem sastanku Pododbora za unutrašnje tržište i konkurenciju uključujući zaštitu i zdravlje potrošača između Evropske unije i Bosne i Hercegovine, koji je održan u Briselu 20.9.2018. godine, na 15. i 16. sastanku zemalja centralne, istočne i jugoistočne Evrope-CESEE ISI koji su održani u 12.06.2018. godine i 30.11.2018. godine, Investicionom forumu Istočne Evrope koji je održan 06.06.2018. godine, te Risk based supervision radionici u organizaciji EIOP-e koja je održana 20. i 21.09.2018. godine.

Agencija je učestvovala na Konferenciji o zaštiti potrošača u organizaciji XPRIMM-a koja je održana 22.03.2018. godine, 5. Konferenciji izazovi i praksa nadzora društava za osiguranje u organizaciji Instituta za osiguranje iz Zagreba koja je održana 17.04.2018. godine, Radionici u organizaciji Ministarstva sigurnosti Bosne i Hercegovine na temu „Desinventar sendai sitem prikupljanja podataka“ koja je održana 13.07.2018. godine, Konferenciji u organizaciji Agencije za zavarovalni nadzor Slovenije „ Osiguranje u digitalnoj budućnosti“, koja je održana 13.09.2018. godine, Regionalnoj konferenciji o finansiranju sistema zaštite od rizika katastrofa u organizaciji UNDP-a koja je održana 04. i 05.10.2018. godine.

Agencija je na 5. Konferenciji izazovi i praksa nadzora društava za osiguranje u organizaciji Instituta za osiguranje iz Zagreba, prezentirala tržište Bosne i Hercegovine i izazove sa kojima se suočava. Na 29. susretu osiguravača i reosiguravača u Sarajevu –SORS prezentirano je tržište Bosne i Hercegovine i aktuelni trendovi na istom. U organizaciji Agencije za nadzor osiguranje Federacije Bosne i Hercegovine, Agencija je učestvovala na radionici na temu sprječavanja pranja novca i finansiranja terorističkih aktivnosti u osiguranju.

Statistički servis

U toku 2018. godine prikupljeni su i obrađeni statistički podaci o tržištu osiguranja za period 01.01.-30.06.2018., a na web stranici Agencije dostupni su mjesečni podaci o premiji i štetama po društvima za osiguranje i vrstama osiguranja kao i po mjestu ostvarene premije.

Obzirom na nedostupnost statističkih podataka na web stranici Agencije za osiguranje Republike Srpske, dopisima Agencije za osiguranje Republike Srpske o nemogućnosti dostavljanja podataka nakon 30.06.2018. godine zbog tehničkih problema koje imaju, podaci po društvima za osiguranje sa sjedištem u Republici Srpskoj nisu dostupni Agenciji. Iz

navedenog razloga prikupljanje, obrada i objava statističkih podataka o cjelokupnom tržištu osiguranja u Bosni i Hercegovini za period nakon 30.06.2018. godine nije bila moguća.

Godišnji izvještaj za 2017. godinu o tržištu osiguranja obuhvatio je podatke i pokazatelje prema podacima koji su dostavljeni od entitetskih agencija za nadzor osiguranja kao i ostalih relevantnih institucija. Štampano izdanje godišnjeg izvještaja za 2017. godinu dostavljeno je korisnicima, a elektronska verzija je dostupna na stranici Agencije www.azobih.gov.ba.

U skladu sa zahtjevima dostavljeni su podaci o stanju i tržišnim pokazateljima za potrebe objavljivanja istih u međunarodnom časopisu X-PRIMM, u časopisima i medijima Banke, Business magazin, Svijet osiguranja, Avaz i Onasa. U saradnji sa entitetskim agencijama za nadzor osiguranja dostavljeni su podaci za izradu Upitnika o tržištu osiguranja za potrebe Italian Banking Insurance and Finance Federation. U skladu sa zahtjevom Agencije za superviziju Makedonije, Agencije za osiguranje Crne Gore, Swiss Re-a, Centralne Banke Bosne i Hercegovine, nadzornog organa Poljske-KNF, SID društva iz Slovenije, dostavljeni su potrebni podaci i informacije o tržištu i pokazateljima osiguranja u Bosni i Hercegovini.

U skladu sa potrebom elektronske obrade statističkih podataka o tržištu osiguranja Bosne i Hercegovine, Agencija je u skladu sa zaključenim Ugovorom o nabavci i instaliranju software-statistički programski paket sa firmom SoftLab d.o.o. u izvještajnom periodu provela aktivnosti na unosu statističkih podataka o premiji i isplaćenim štetama po društvima za osiguranje za period 01.01.2016.-30.06.2018. godinu te uradila testiranje programskog rješenja. U skladu sa navedenim Ugovorom, Projekat je uspješno završen sa 31.12.2018. godine.

Ostale aktivnosti Agencije

Postupajući po Zaključcima Zajedničke komisije za ekonomske reforme i razvoj Parlamentarne skupštine Bosne i Hercegovine sa 15. sjednice održane 20.12.2017. godine i Zaključku Vijeća ministara Bosne i Hercegovine sa 128. sjednice održane 04.01.2018. godine, Agencija je sačinila i 17.07.2018. godine uputila Vijeću ministara Bosne i Hercegovine Informaciju o problemima u radu Agencije za osiguranje u Bosni i Hercegovini (u daljem tekstu: Informacija), sa predloženim zaključcima. Informacija je bila uvrštena u prijedlog dnevnog reda 150. sjednice Vijeća ministara Bosne i Hercegovine održane 24.07.2018. godine, ali je na traženje Odbora za ekonomiju ista skinuta sa dnevnog reda. Na 162. sjednici Vijeća ministara Bosne i Hercegovine, održanoj 21.12.2018. godine, Informacija je primljena k znanju bez predloženih zaključaka.

U cilju provođenja jedne od mjera za realizaciju prioriteta 29. iz Akcionog plana za realizaciju prioriteta iz Izvještaja za Bosnu i Hercegovinu za 2016. godinu Agencija je za 5., odnosno 6. sjednicu Upravnog odbora Agencije pripremila:

- Prijedlog Protokola o saradnji u provođenju aktivnosti na usaglašavanju entitetskih zakona iz oblasti osiguranja i posredovanja u osiguranju u Bosni i Hercegovini između Agencije i entitetskih ministarstava finansija i
- Prijedlog Protokola o saradnji u provođenju aktivnosti na usaglašavanju podzakonskih akata iz oblasti osiguranja i posredovanja u osiguranju u Bosni i Hercegovini između Agencije i entitetskih agencija za nadzor osiguranja.

Navedeni Prijedlozi Protokola skinuti sa dnevnog reda 5., odnosno 6.sjednice Upravnog odbora Agencije.

Na web stranici Agencije objavljuju se dokumenti značajni za funkcionisanje i rad Agencije. U toku 2018. godine objavljeni su dokumenti u skladu sa Odlukom o postupku srednjoročnog planiranja, praćenja i izvještavanja o radu u institucijama Bosne i Hercegovine („Službeni glasnik Bosne i Hercegovine“, broj 62/14) i Odlukom o godišnjem planiranju rada načinu praćenja i izvještavanja o radu u institucijama Bosne i Hercegovine („Službeni glasnik Bosne i Hercegovine“, broj 94/14).

Sa ciljem izrade Akcionog plana za implementaciju Komunikacijske strategije za informisanje javnosti o procesu pristupanja Bosne i Hercegovine Evropskoj uniji za 2019. godinu, Agencija je Direkciji za evropske integracije dostavila elemente za izradu istog.

U izvještajnom periodu Agencija je u skladu sa Odlukom o postupku srednjoročnog planiranja, praćenja i izvještavanja o radu u institucijama Bosne i Hercegovine sačinila Nacrt Srednjoročnog plana rada Agencije za period 2019.-2021. godina i isti dostavila Ministarstvu finansija i trezora Bosne i Hercegovine na mišljenje. U skladu sa Odlukom o godišnjem planiranju i načinu praćenja i izvještavanja o radu u institucijama Bosne i Hercegovine Agencija je sačinila Prijedlog godišnjeg programa rada Agencije za osiguranje u Bosni i Hercegovini za 2019. godinu i isti nakon dobivenih mišljenja od Ministarstva finansija i trezora Bosne i Hercegovine i Ureda za zakonodavstvo dostavila članovima Upravnog odbora na odobravanje u skladu sa Zaključkom sa 6. sjednice Upravnog odbora Agencije.

U izvještajnom periodu sačinjen je zahtjev za budžetskim sredstvima u periodu 2019.-2021. godina kao i zahtjev za budžetskim sredstvima za 2019. godinu, a sačinjeni su i dostavljeni godišnji izvještaj o izvršenju budžeta za 2017. godinu, kvartalni i polugodišnji izvještaji o izvršenju budžeta za 2018. godinu.

Ured za reviziju institucija Bosne i Hercegovine obavio je finansijsku reviziju Agencije za 2017. godinu i izdao mišljenje da aktivnosti, finansijske transakcije i informacije Agencije za 2017. godinu su, u svim materijalnim aspektima, u skladu sa zakonima i drugim propisima kojima su regulisane.

U cilju efikasne saradnje i koordinacije, sa relevantnim institucijama iz oblasti osiguranja u toku 2018. godine, održani su radni sastanci sa: Agencijom za nadzor osiguranja Federacije Bosne i Hercegovine, Agencijom za osiguranje Republike Srpske, Zaštitnim fondom Federacije Bosne i Hercegovine, Bosna Reosiguranjem, Udruženjem društava za osiguranje i reosiguranje Federacije Bosne i Hercegovine, UNDP-om, Swiss RE-om i SID društvom iz Slovenije.

Upravni odbor Agencije

Upravni odbor Agencije je u izvještajnom periodu održao tri sjednice, i to: 19.02., 18.07. i 06.11.2018. godine. Za dnevni red navedenih sjednica Agencija je pripremala i dostavljala materijale i akte iz nadležnosti Upravnog odbora Agencije, materijale i akte po zaključcima Upravnog odbora Agencije, te informisala Upravni odbor Agencije o realizaciji zaključaka Upravnog odbora Agencije, kao i aktivnostima bitnim za rad i funkcionisanje Agencije.

Analiza osnovnih problema i izazova za izvršenje programa rada

I dalje je prisutan problem i izazov, konstatovan u izvještajima o radu Agencije iz prethodnih godina, a koji se tiče različitog shvatanja i tumačenja zakonodavne uloge Agencije propisane članom 6. Zakona o Agenciji za osiguranje u Bosni i Hercegovini o čemu je Agencija informisala Vijeće ministara Bosne i Hercegovine. Vijeće ministara Bosne i Hercegovine je predmetnu Informaciju na 162. sjednici održanoj 21.12.2018. godine primilo k znanju, bez predloženih zaključaka.

Međutim, kada su u pitanju entitetski propisi iz oblasti osiguranja u izvještajnom periodu Agenciji su se obratila entitetska ministarstva finansija u dva navrata i to:

- Ministarstvo finansija Republike Srpske aktom od 05.04.2018. godine sa pozivom za davanje prijedloga i sugestija stručnih službi Agencije na dostavljeni tekst Nacrta zakona o izmjenama i dopunama Zakona o društvima za osiguranje iz aprila 2018. godine i
- Federalno ministarstvo finansija zahtjevom za davanje saglasnosti na Nacrt zakona o obaveznim osiguranjima u prometu, u skladu sa članom 6. stav (1) tačka c) Zakona o Agenciji za osiguranje u Bosni i Hercegovini.

Izazov sa kojim se Agencija suočava jeste i vremenski neusaglašena izrada i usvajanje zakona i podzakonskih akata u entitetima, pa zbog vremenskog perioda stupanja na snagu određenih odredbi, dolazi do nejednakog i neravnopravnog položaja učesnika na tržištu osiguranja u Bosni i Hercegovini.

Kao što je u tekstu izvještaja navedeno, Agencija je zbog donošenja Odluke o izmjeni odluke o zajedničkoj tarifi premija i cjenovniku za osiguranje od odgovornosti za motorna vozila u Republici Srpskoj, dostavila Upravnom odboru Agencije za 6. sjednicu informaciju, ali je informacija skinuta sa dnevnog reda zbog nepostojanja entitetske podrške prilikom izjašnjavanja glasanja članova Upravnog odbora Agencije o dnevnom redu 6. sjednice.

Evropska komisija je u preporukama i operativnim zaključcima sa Trećeg sastanka pododbora o unutrašnjem tržištu i konkurenciji uključujući zaštitu i zdravlje potrošača između EU i Bosne i Hercegovine, koji je održan u Briselu 20.9.2018. godine, ponovo pozvala Bosnu i Hercegovinu da osigura potpuno uključivanje preporuka Agencije za osiguranje u Bosni i Hercegovini u entitetske propise prije njihovog usvajanja, čime se jača uloga Agencije u koordinaciji harmonizacije i usklađivanja propisa sa propisima Evropske unije. Jednom od navedenih preporuka, Evropska unija je podsjetila i na nužnost odgovarajućeg broja osoblja i funkcioniranja Upravnog odbora Agencije.

U dijelu statističkog servisa, rizik koji je prisutan na prikupljanju i obradi statističkih podataka jeste još uvijek neautomatizovano prikupljanje i ručna obrada statističkih podataka. Rizik koji se u toku 2018. godine evidentiran i prisutan u okviru statističkog servisa na prikupljanju i obradi mjesečnih podataka o ostvarenoj premiji i isplaćenim štetama je nedostupnost statističkih podataka za entitet Republika Srpska. Obzirom da je u ranijem periodu Agencija za izradu mjesečnih izvještaja o tržištu osiguranja Bosne i Hercegovine koristila podatke Agencije za osiguranje Republike Srpske koji su bili dostupni na njihovoj web stranici, a da je Agencija za osiguranje Republike Srpske u odgovorima na zahtjev za dostavljanje statističkih podataka istakla problem tehničke prirode na prikupljanju podataka od društava za osiguranje i nemogućnosti dostavljanja potrebnih podataka Agenciji za period nakon 30.06.2018. godine dok se tehnički problem ne otkloni, odaci nakon 30.06.2018. nisu se mogli unijeti u bazu podataka i kreirati mjesečni izvještaji za tržište Bosne i Hercegovine.

U okviru planiranih aktivnosti za razvoj softvera kojim će se izgraditi funkcionalni sistem kojim je planirano unaprijeđenje prikupljanja i obrade statističkih podataka je i nedostatak potrebnih sredstava u budžetu Agencije za realiziranje aktivnosti neophodnih za funkcionisanje i održavanje sistema, a zbog načina finansiranja institucija u Bosni i Hercegovini u toku 2019. godine.

I dalje je prisutan rizik nedovoljnih kadrovskih kapaciteta Agencije, u smislu specifičnih radnih mjesta i broja izvršilaca, zbog kojih je realizacija programskih aktivnosti Agencije u okviru planiranih rokova bila otežana. Agencija je u izvještajnom periodu preduzela aktivnosti sa ciljem smanjenja navedenog rizika kroz aktivnost izrade novog Pravilnika o unutrašnjoj organizaciji Agencije za osiguranje u Bosni i Hercegovini, te informisanje Vijeća ministara Bosne i Hercegovine o nedovoljnim kadrovskim kapacitetima Agencije. Vijeće ministara Bosne i Hercegovine je predmetnu Informaciju na 162. sjednici održanoj 21.12.2018. godine primilo k znanju, bez predloženih zaključaka.

Vijeće ministara Bosne i Hercegovine je u izvještajnom periodu Agenciji dodijelilo novi smještaj u prostorijama objekta u Ulici Dubrovačka broj 6, Sarajevo (Union banka). U dodijeljene prostorije Agencija je preselila 07.11.2018. godine.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA AGENCIJE ZA OSIGURANJE U BOSNI I HERCEGOVINI ZA 2018. GODINU											
<i>Opći cilj/ princip razvoja:</i>		Integrirani rast									
<i>Strateški cilj:</i>		Unaprijediti razvoj konkurentnog ekonomskog okruženja									
<i>Srednjoročni cilj:</i>		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije									
<i>Specifični cilj:</i>		Povećati usklađenost propisa na tržištu osiguranja u Bosni i Hercegovini									
Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2017	Ciljana vrijednost 2018	Ostvarena vrijednost na kraju 2018	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal u kojem je aktivnost provedena	
1	2	3	4	5	6	7	8	9	10	11	12
1.1. Usklađivanje propisa na tržištu osiguranja u Bosni i Hercegovini											
1.1.1 Harmonizacija propisa i arbitraža											
1.1.1.1 Analize usklađenosti važećih entitetskih zakonskih i drugih akata iz oblasti osiguranja u Bosni i Hercegovini međusobno i sa zakonodavstvom EU	Odjeljenje za pravne i administrativno-tehničke poslove	Broj	1	4	0	Budžet	24.800	24.369	I - IV	-	Aktivnost nije realizovana
1.1.1.2 Analiza Zakona o Agenciji za osiguranje u Bosni i Hercegovini	Odjeljenje za pravne i administrativno-tehničke poslove	Broj	0	1	0	Budžet	12.400	12.184	I - II	-	Realizacija aktivnosti u toku
1.1.1.3 Izrada inicijative za izradu prijedloga izmjena i dopuna Zakona o Agenciji za osiguranje u Bosni i Hercegovini, sa prijedlogom novih rješenja	Odjeljenje za pravne i administrativno-tehničke poslove	Broj	0	1	0	Budžet	12.400	12.184	III - IV	-	Aktivnost nije realizovana

1.1.1.4 Izrada Prijedloga Pravilnika o postupcima za rješavanje sporova u oblasti osiguranja	Odjeljenje za pravne i administrativno-tehničke poslove	Broj	0	1	0	Budžet	24.800	24.369	I	-	Realizacija aktivnosti u toku
1.1.1.5 Izrada Prijedloga Pravilnika o unutrašnjoj organizaciji AZOBiH	Oba Odjeljenja AZOBiH	Broj	0	1	0	Budžet	24.800	24.369	I	-	Realizacija aktivnosti u toku
1.1.1.6 Praćenje realizacije donesenih Smjernica za ocjenu usaglašenosti zakona o obaveznim osiguranjima u saobraćaju i revidiranje iste u skladu sa relevantnim direktivama	Odjeljenje za pravne i administrativno-tehničke poslove	Broj	0	2	1	Budžet	8.200	8.057	I - IV	III	Djelimično realizovano Smjernica nije revidirana u skladu sa relevantnim direktivama obzirom da u izvještajnom periodu nije došlo do izmjene relevantnih direktiva
1.1.1.7 Izrada analize međuentitetske usaglašenosti zakonodavstva i mogućnosti daljeg usaglašavanja entitetskih zakona sa EU standardima u oblasti poslovanja osiguravajućih društava	Odjeljenje za pravne i administrativno-tehničke poslove	Broj	0	1	0	Budžet	8.200	8.057	I - II	-	Realizacija aktivnosti u toku
1.1.1.8 Izrada smjernica za međuentitetsko usaglašavanje zakonodavstva i daljeg usaglašavanja entitetskih zakona sa EU standardima u oblasti uslova poslovanja osiguravajućih društava	Odjeljenje za pravne i administrativno-tehničke poslove	Broj	0	1	0	Budžet	8.400	8.254	III - IV	-	Aktivnost nije realizovana
1.1.1.9 Izrada prijedloga za usklađivanje drugih akata iz oblasti osiguranja	Odjeljenje za pravne i administrativno-tehničke poslove	%	0	80%	0	Budžet	24.800	24.369	I - IV	-	Aktivnost nije realizovana

1.1.1.10 Saglasnost na nacрте/prijedloge zakona i izmjene i dopune zakonodavstva o osiguranju	AZOBiH i Upravni odbor AZOBiH	%	0	100%	100%	Budžet	49.600	48.739	I - IV	IV	U odnosu na pokazatelj postavljen Programom rada AZOBiH za 2018.godinu „Omjer broja odluka u odnosu na broj pripremljenih materijala AZOBiH“, Upravni odbor AZOBiH je na 6.sjednici umjesto odluke pripremljene od strane AZOBiH usvojio zaključak
		%	0	100%	100%						
1.1.1.11 Održavanje radno-konsultativnih sastanaka sa relevantnim institucijama AZOBiH	AZOBiH	%	100%	100%	100%	Budžet	24.800	24.369	I - IV	I-IV	Aktivnost realizovana
1.1.1.12 Aktivnost u vezi sa obavezama AZOBiH proisteklim iz aplikacije BiH za članstvo u Evropskoj uniji	AZOBiH	%	100%	100%	100%	Budžet	24.800	24.369	I - IV	I-IV	Aktivnost realizovana
1.1.2. Statistički servis i međunarodna saradnja											
1.1.2.1. Zaključivanje Ugovora o saradnji za razmjenu podataka	Odjeljenje za međunarodnu saradnju, finansije, statistiku i aktuarstvo	Potpisani Ugovori	4	4	-	Budžet	49.600	48.739	II	-	Aktivnost nije realizovana
1.1.2.2. Učešće na sastancima međunarodnih asocijacija, konferencijama i skupovima	Odjeljenje za međunarodnu saradnju, finansije, statistiku i aktuarstvo	Broj održanih sastanaka	15	20	20	Budžet	49.600	48.739	I-IV		Aktivnost realizovana

1.1.2.3.Kreiranje i dostavljanje izvještaja i informacija relevantnim institucijama o stanju u sektoru osiguranja	Odjeljenje za međunarodnu saradnju, finansije, statistiku i aktuarstvo	Dostavljen i izvještaji i informacije	6	8	17	Budžet	49.600	48.739	I-IV	I-IV	Aktivnost realizovana
1.1.2.4.Prikupljanje, obrada, objavljivanje i distribucija statističkih izvještaja	Odjeljenje za međunarodnu saradnju, finansije, statistiku i aktuarstvo	Statistički izvještaji	4	4	4	Budžet	49.600	48.739	I-IV	I-IV	Aktivnost realizovana
1.1.2.5. Razvijanje softvera za prikupljanje i obradu statističkih podataka	Odjeljenje za međunarodnu saradnju, finansije, statistiku i aktuarstvo	Softver za prikupljanje i obradu statističkih podataka	0	1	1	Budžet	49.600	48.739	IV	I-IV	Aktivnost realizovana

* Procjenjeni troškovi za 2018. godinu prikazani su u skladu sa gornjom granicom rashoda za 2018. godinu, a ostvareni troškovi prikazani su u procentu izvršenja budžeta za 2018. godinu u odnosu na iznos usvojen Zakonom o budžetu institucija Bosne i Hercegovine i međunarodnih obaveza Bosne i Hercegovine za 2018. godinu.

1	2	3	4	5	6	7	8
---	---	---	---	---	---	---	---

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2018. GODINU							
<i>Opći cilj/ princip razvoja:</i> Integrisani rast							
<i>Strateški cilj:</i> Unaprijediti razvoj konkurentnog ekonomskog okruženja							
<i>Srednjoročni cilj:</i> Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
<i>Specifični cilj:</i> Povećati usklađenost propisa na tržištu osiguranja u Bosni i Hercegovini							
Naziv zakona	Vrijeme provođenja		Status zakona zaključno sa 31.12.2018.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
1.1. Usklađivanje propisa na tržištu osiguranja u Bosni i Hercegovini							
1.1.1 Harmonizacija propisa i arbitraža							
1.1.1.2 Analiza Zakona o Agenciji za osiguranje u Bosni i Hercegovini	I - II	-	NE	NE	NE	NE	Realizacija aktivnosti u toku
1.1.1.3 Izrada inicijative za izradu prijedloga izmjena i dopuna Zakona o Agenciji za osiguranje u Bosni i Hercegovini, sa prijedlogom novih rješenja	III - IV	-	NE	NE	NE	NE	Aktivnost nije realizovana
1.1.1.6 Praćenje realizacije donesenih Smjernica za ocjenu usaglašenosti zakona o obaveznim osiguranjima u saobraćaju i revidiranje iste u skladu sa	I - IV	-	NE	NE	NE	NE	Realizacija aktivnosti u toku

relevantnim direktivama							
1.1.1.7 Izrada analize međuentitetske usaglašenosti zakonodavstva i mogućnosti daljeg usaglašavanja entitetskih zakona sa EU standardima u oblasti poslovanja osiguravajućih društava	I - II	–	NE	NE	NE	NE	Realizacija aktivnosti u toku
1.1.1.8 Izrada smjernica za međuentitetsko usaglašavanje zakonodavstva i daljeg usaglašavanja entitetskih zakona sa EU standardima u oblasti uslova poslovanja osiguravajućih društava	III - IV	–	NE	NE	NE	NE	Aktivnost nije realizovana

IV - IZVJEŠTAJ O IZRAĐENIM PODZAKONSKIM AKTIMA PLANIRANIH PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2018. GODINU							
<i>Opći cilj/ princip razvoja:</i>		Integrirani rast					
<i>Strateški cilj:</i>		Unaprijediti razvoj konkurentnog ekonomskog okruženja					
<i>Srednjoročni cilj:</i>		Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije					
<i>Specifični cilj:</i>		Povećati usklađenost propisa na tržištu osiguranja u Bosni i Hercegovini					
Naziv podzakonskog akta	Vrijeme provođenja		Status podzakonog akta zaključno sa 31.12.2018.				Komentar
	Planirani kvartal za provođenje aktivnosti	Kvartal u kojem je aktivnost provedena	Upućen VM BIH (DA/NE)	Usvojen na VM BIH (DA/NE)	Procedura u PS BIH (DA/NE)	Usvojen u PS BIH (DA/NE)	
<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>	<i>8</i>
1.1. Usklađivanje propisa na tržištu osiguranja u Bosni i Hercegovini							
1.1.1 Harmonizacija propisa i arbitraža							
1.1.1.4 Izrada Prijedloga Pravilnika o postupcima za rješavanje sporova u oblasti osiguranja	I	–	NE	NE	NE	NE	Realizacija aktivnosti u toku
1.1.1.5 Izrada Prijedloga Pravilnika o unutrašnjoj organizaciji AZOBiH	I	–	NE	NE	NE	NE	Realizacija aktivnosti u toku

V – IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI ZA 2018. GODINU

Programom rada Agencije za osiguranje u Bosni i Hercegovini za 2018. godinu nije planirano zaključivanje međunarodnih ugovora.

VI - PREGLED OPERATIVNIH, LOGISTIČKIH I ADMINISTRATIVNIH AKTIVNOSTI AGENCIJE ZA OSIGURANJE U BOSNI I HERCEGOVINI ZA 2018. GODINU

R.b.	Aktivnost	Nosilac aktivnosti	Vremenski okvir	Komentar
<i>Proces srednjoročnog i godišnjeg planiranja</i>				
1.	Izrada srednjoročnog plana rada i aktivnosti neophodne za usvajanje i objavljivanje istog	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa Odlukom o postupku srednjoročnog planiranja, praćenja i izvještavanja institucija a najkasnije 30.09.2018. godine	Obzirom da je Srednjoročni program rada VM 2019.-2021. usvojen tek na 153. sjednici VM, u skladu sa provedenim procedurama propisanim Odlukom, Srednjoročni plan rada Agencije za period 2019.-2021. donesen od strane rukovodioca 17.01.2019.godine
2.	Izrada godišnjeg programa rada Agencija i godišnjeg izvještaja o radu	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa Odlukom o godišnjem planiranju rada i načinu praćenja i izvještavanja o radu u institucijama BiH, IV	Godišnji program rada Agencije za osiguranje u Bosni i Hercegovini za 2019. godinu usvojen na 164. sjednici VM 22.01.2019.

			kvartal	godine
3.	Informisanje Vijeća ministara BiH i Zajedničke komisije za ekonomske reforme i razvoj Parlamentarne skupštine Bosne i Hercegovine o stanju i pitanjima iz oblasti u nadležnosti Agencije	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa Zakonom o upravi („Službeni glasnik BiH“, br.32/02, 102/09 i 72/17) i Poslovnikom o radu Vijeća ministara BiH („Službeni glasnik BiH“, br.22/03), Kontinuirano	Agencija je 17.07.2018. godine uputila Vijeću ministara Bosne i Hercegovine Informaciju o problemima u radu Agencije za osiguranje u Bosni i Hercegovini sa predloženim zaključcima. Informacija je bila uvrštena u prijedlog dnevnog reda 150. sjednice Vijeća ministara Bosne i Hercegovine održane 24.07.2018. godine, ali je na traženje Odbora za ekonomiju ista skinuta sa dnevnog reda. Na 162. sjednici Vijeća ministara Bosne i Hercegovine, održanoj 21.12.2018. godine, Informacija je primljena k znanju bez predloženih zaključaka.
Finansijsko-računovodstvene aktivnosti - upravljanje budžetom				
3.	Izrada potrebne dokumentacije za Dokument okvirnog budžeta (DOB) i koordinacija sa MFiT – Instrukcija za budžetske korisnike br. 1	Odjeljenje za međunarodnu saradnju, finansije, statistiku i aktuarstvo	U skladu sa Instrukcijom br.1 MFT BiH, početak II kvartala	Dostavljena potrebna dokumentacija i zahtjev u skladu sa Instrukcijom 1 MFT 12.04.2018. godine.

4.	Finansijsko izvještavanje i koordinacija sa MFiT	Odjeljenje za međunarodnu saradnju, finansije, statistiku i aktuarstvo	I, II, III i IV kvartal, prema Pravilniku i instrukcijama MFiT	<p>Dostavljeni izvještaji o izvršenju budžeta MFT:</p> <ul style="list-style-type: none"> - godišnji izvještaj za 2017. godinu dostavljen 02.03.2018. godine - tromjesečni izvještaj za period 01.01.-31.03.2018. dostavljen 30.04.2018. godine - polugodišnji izvještaj za period 01.04.-30.06.2018. dostavljen 30.07.2018. godine - devetomjesečni izvještaj za period 01.07.-30.09.2018. dostavljen 30.10.2018. godine.
5.	Izrada potrebne dokumentacije za zahtjev za dodjelu sredstava iz budžeta za narednu godinu i koordinacija sa MFiT – Instrukcija za budžetske korisnike br. 2	Odjeljenje za međunarodnu saradnju, finansije, statistiku i aktuarstvo	Prema Instrukciji br. 2 MFiT, III kvartal	Zahtjev za dodjelu sredstava iz budžeta za narednu godinu dostavljen 06.08.2018. godine i nakon održanog redovnog sastanka sa predstavnicima MFT 28.09.2018. godine.
6.	Obavljanje materijalno – finansijskih poslova i koordinacija sa MFiT	Odjeljenje za međunarodnu saradnju, finansije, statistiku i aktuarstvo	Kontinuirano	Materijalno finansijski poslovi i koordinacija sa MFiT odvijala se

				kontinuirano u 2018. godini
7.	Obračun i isplata plaća i ostalih primanja zaposlenika	Odjeljenje za međunarodnu saradnju, finansije, statistiku i aktuarstvo	Kontinuirano	Obračun i isplata plaća i ostalih primanja zaposlenika odvijala se kontinuirano u 2018. godini.
<i>Finansijsko upravljanje i kontrola</i>				
8.	Izrada i ažuriranje internih akata Agencije	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano	U toku 2018. godine ažurirane Interne procedure u procesu izrade budžeta.
9.	Dostavljanje izvještaja o FUK-u	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano	Godišnji izvještaj o finansijskom upravljanju i kontroli dostavljen Centralnoj harmonizacijskoj jedinici MFT 20.02.2018. godine.
<i>Javne nabavke</i>				
10.	Izrada plana javnih nabavki	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	60 dana od dana usvajanja Budžeta institucija BiH za 2018. godinu	Plan javnih nabavki za 2018. godinu donešen 20.12.2017. godine

11.	Provođenje postupaka javnih nabavki	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	U skladu sa potrebama i Planom javnih nabavki	U skladu sa Planom javnih nabavki i potreba Agencije u toku 2018. godine Agencija zaključila direktni sporazum za štampanje statističke publikacije, nabavku kancelarijskog materijala i tonera, nabavku elektronske baze propisa, nabavke avio karata, nabavke dizelskog goriva, ugradnje vrata u objekat Dubrovačka 6, nabavke i ugradnje led rasvjete u objektu Dubrovačka 6, usluge selidbe usluge održavanja i popravke računara i usluge nabavke i ugradnje trakastih zavjesa.
12.	Realizacija ugovora i kontrola	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano	Aktivnosti na kontroli i realizaciji zaključenih ugovora u toku 2018. godine provodila se kontinuirano.
<i>Upravljanje ljudskim resursima</i>				
13.	Vođenje i ažuriranje personalne evidencije	Odjeljenje za pravne i administrativno tehničke poslove	Kontinuirano	Aktivnosti na vođenju i ažuriranju personalne evidencije odvijale su se kontinuirano u toku 2018. godine.

14.	Upravljanje ljudskim resursima (ocjenjivanje državnih službenika i zaposlenika, obuke i dr.) i koordinacija sa ADS BiH	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano	Zbog utvrđivanja činjenica vezanih za postupak ocjenjivanja nije proveden postupak ocjenjivanja za sve državne službenike u izvještajnom periodu. Ostale aktivnosti su se realizovale u skladu sa planiranim aktivnostima i definisanim rokovima.
<i>Upravljanje dokumentacijom</i>				
15.	Prijem, evidencija, signiranje i dostavljanje u rad akata	Odjeljenje za pravne i administrativno tehničke poslove	Kontinuirano	Aktivnosti na prijemu, evidenciji, signiranju i dostavljanju u rad akata odvijale su se kontinuirano u toku 2018. godine.
16.	Preuzimanje i otpremanje pošte	Odjeljenje za pravne i administrativno tehničke poslove	Kontinuirano	Aktivnosti na preuzimanju i otpremanju pošte odvijale su se kontinuirano u toku 2018. godine.
17.	Arhiviranje predmeta nastalih u radu Agenciji	Odjeljenje za pravne i administrativno tehničke poslove	Kontinuirano	Aktivnosti na arhiviranju predmeta nastalih u radu Agencije odvijale su se kontinuirano u toku 2018. godine.

Institucionalna komunikacija i odnosi sa javnošću				
18.	Održavanje web stranice	Odjeljenje za međunarodnu saradnju, finansije, statistiku i aktuarstvo	Kontinuirano	Aktivnosti na ažuriranju web stranice odvijale su se kontinuirano u toku 2018. godine.
19.	Dostavljanje informacija po zahtjevima zainteresiranih lica	Odjeljenje za međunarodnu saradnju, finansije, statistiku i aktuarstvo, Odjeljenje za pravne i administrativno tehničke poslove	Kontinuirano	U toku 2018. godine a u skladu sa zahtjevima zainteresiranih lica, informacije o tržišnim pokazateljima i stanju na tržišta dostavljane u skladu sa zahtjevima.
Rad Upravnog odbora Agencije				
20.	Priprema sjednica Upravnog odbora Agencije i koordinacija sa članovima Upravnog odbora Agencije	Direktor Agencije i sekretar Upravnog odbora Agencije	Kontinuirano	U toku 2018. godine održane su tri sjednice Upravnog odbora Agencije i za iste su pripremljeni i dostavljeni materijali po tačkama predloženog Dnevnog reda.
21.	Izrada zapisnika sa sjednica	Sekretar Upravnog odbora Agencije	Kontinuirano	Izrada i dostavljanje Zapisnika sa sjednica Upravnog odbora Agencije realizirano je u skladu sa Poslovníkom o radu Upravnog odbora Agencije.

22.	Realizacija zaključaka Upravnog odbora Agencije	Direktor Agencije	Kontinuirano	Za tri sjednice Upravnog odbora Agencije koje su održane u 2018. godini pripremljene su informacije o realizaciji zaključaka koje je Upravni odbor primio k znaju.
-----	---	-------------------	--------------	--

VII -IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA OSIGURANJE U BOSNI I HERCEGOVINI

Programom rada Agencije za osiguranje u Bosni i Hercegovini za 2018. godinu nije planirana realizacija javnih investicija.

VIII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU AGENCIJE ZA OSIGURANJE U BOSNI I HERCEGOVINI

Kod izrade Izvještaja o radu Agencije za osiguranje u Bosni i Hercegovini za 2018. godinu, Agencija je u skladu sa članom 4. stav (1) tačka b) i članom 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), te članom 7. Pravila za konsultacije u izradi pravnih propisa („Službeni glasnik BiH“, broj 5/17) obavila javne konsultacije u postupku pripreme Izvještaja o radu Agencije za osiguranje u Bosni i Hercegovini za 2018. godinu.

Javne konsultacije su obavljene u periodu od _____. godine, putem web stranice Agencije, www.azobih.gov.ba kao i web aplikacije eKonsultacije. U navedenom periodu AZOBiH nije zaprimila prijedloge i/ili primjedbe na tekst prednacrt Izvještaja o radu Agencije za osiguranje u Bosni i Hercegovini za 2018. godinu.

DIREKTORICA

Emina Jahić